




Ajangizko Udala



SAIOA PINEDA ARANBURU ANDREA, AJANGIZKO UDALEKO BITARTEKO IDAZKARIAK

ZIURTATZEN DUT:

Ajangizko Udal Osoko Bilkurak 2013ko urtarrilaren 30ean ospatutako ohiko batzarrean, besteak-beste honako erabaki hau hartu zuela:

7.- FRANKISMOAREN AURKA BILDU TALDEAK AURKEZTUTAKO MOZIOAREN ONARPENA, BEHAR BADA.-

Alkatetzak, ondoren transkribatzen den Frankismoaren Krimenen Aurkako Kereilen Euskal Plataformak aurkeztuko mozioa aurkezten du.

Ajangizko Udaletxearen Osoko Bilkurara

Frankismoaren Krimenen Aurkako Kereilen Euskal Plataformak, idatzi honen beheko partean agertzen deiren Elkarteez osatutakoa, egungo legediari jarraituaz Ajangizko Udaletxearen Osoko Bilkurari proposatzen dio ondorengo Mozioaren onarpena.

Ajangizen, 2013ko urtarrila.

1936.eko Uztaillean Francok burututako altxamendu militar-faxistak Errepublikaren bidezko Gobernu eta Gobernu Autonomiko guztiak ezabatu zituen, industri, nekazal eta finantza oligarkiaren laguntzarekin, Elizaren agintari eta partaideek tarteko, eta erregimen politikoa totalitario bat ezarri zuen askatasunaren, justizia sozialaren eta Estatuko Nazioen eta herrien eskubideen aldeko pertsona ororen suntsitze fisikoa eraginaz.

Diktadura hura, ideologikoki "nacional-catolicismo" delakoaren zutabeetan finkatua, armadak, finantza eta industria oligarkiak, lur-jabeen klaseak eta Elizak hurrengoko berrogei urteetan mantendu zuten errepresio bortitza eta jeneralizatuaren bitartez edozein oposizio saihestuaz, torturak, "paseoak", heriotza-zigorak, eta gainontzeko kondenak jarriaz erregimenaren aldeko epaileen bitartez, atxilotuak inongo defentsa aukerarik izan gabe.

Francoren heriotzaren ondoren, herriaren borrokek eta presio internazionalak frankistak behartu zituzten nolabaiteko aldaketa batzuk egitera, "trantsizio politikoa" delakoaren babesarekin, zeinak inpunitate guztia bermatzen zien 1977.eko Amnistia Legea medio. Prozedura guzti honetan botere politikoa, judiziala, ekonomikoa, militarra eta errepresiboa mantentzea lortu zuten, frankismoaren zutabe nagusienak bermatuaz: Estatuaren batasuna, Kapitalismoaren jabetza eta lehentasuna edozein interes sozialetik gain, eta Elizaren estatus pribilegiatua.

"Trantsizio" horretako urteetan torturak eta erailketak jarraitu zuten poliziaren eta para-polizien esku, eta baita manifestazioen errepresio bortitzak ere, estatus hori mantentzeko asmoz. Egun, herrien autodeterminazioaren aurkako mantentzen den jarrera, Ibarretxeri, alderdi sozialistari eta ezker abertzaleko partaideei epaiketa saiakera ezaguna bezalakoa; erakunde politikoak legez-kanpo lagatzea; egunkari nahiz irratiaren itxierak; Entzutegi Nazionalaren epaiketa antzuak; eta abar luze batek zera adierazten du nabarmen: diktadoreak utzi zuen "lotua eta ondo lotua" hor dirauela Borbon monarkiaren bitartez.



Ajangizko Udala



Baina trantsizio hartatik hogeita hamabost urte geroago argentinar epaile batek frankismoaren aurkako kereila bat onartu du genozidio eta gizartearen aurkako delituengatik, preskriba-ezinak eta inongo "azken puntuko legeak" amnistiatzerik ezin dituenak. Nahiz eta erakunde internazionalatik izan, kereila honek frankismoaren zutabeak zartatzen hasia du, hainbat memoriaren aldeko erakundeek urteetan zehar ahalegintzen ari garen bezala. Beraz, Egiaren, Justiziaren eta Erreparazioaren aldeko une garrantzitsu baten aurrean gaude, milaka eta milaka errepresaliatuen duintasuna lortzeko ahalmen berezia bilakatuaz.

Esandako guzti honegatik, Frankismoaren Krimenen Aurkako Kereilen Euskal Plataformak, Altafaylla Kultur Taldea, CNT Euskal Herria, Durango 1936 Kultur Elkarteak, Euskal Memoria Fundazioa, Eusko Lurra Fundazioa, Egiari Zor Fundazioa, Garraxila Taldea, Gernika Batzordea, Goldatu Elkarteak, Intxorta 1937 Kultur Elkarteak, Lau Haizetara Gogoan Elkarteak, Martxoak 3 Elkarteak, Oroituz eta Sare Antifaxista Elkarteak osatzen dutena, ondoko proposamena luzatzen dizue:

MOZIOA

1. Ajangizko Udaletxeak 1931.ean bide onez burututako Errepublika eta Gobernu Espainol, Katalan, Galego eta Euskaldunaren aurka 1936.eko uztailean Francok antolatutako altxamendu militar-faxista kondenatzen du.
2. Ajangizko Udaletxeak gerora ezarritako diktadura erregimena kondenatzen du, berrogei urteetan zehar eragindako triskantza odoltsuegatik justizia soziala aldarrikatzen zutenen aurka eta baita Katalunia, Galizia eta Euskal Herriaren eskubide nazionalak aldarrikatzen zutenen aurka.
3. Ajangizko Udaletxeak kolpe militar haren alde eta gerora bere gobernuen alde egin zuten industria, nekazal eta finantza oligarkiak eta Elizaren agintari eta pataideak salatzen ditu.
4. Ajangizko Udaletxeak 1977.eko Amnistia Legea salatzen du, frankismoaren inpunitatea eragin zuelako eta inongo garbiketarik egin ez zutelako botere esturturetan, batez ere diktaduraren arlo juridiko eta errepresiboetan (armada, polizia eta guardia zibila).
5. Ajangizko Udaletxeak 1977.eko Amnistia Legea ezabatzea eskatzen du, eta altxamendu militarragatik, erregimen frankistagatik eta Estatu terrorismoagatik errepresaliatuak izan zirenei bere eskubideak bermatzeko ahaleginetan ardura hartuko du, erregimen haren EGIA plazaratzen, bere oinordekoek egiten ari diren historiaren errelato faltsua salatuaz; JUSTIZIA aldarrikatzen, egungo inpunitatea saihestuaz eta frankisten erantzunkizuna exijituaz; milaka eta milaka biktimentzat ERREPARAZIO duin eta diskriminazio gabea eskatzen; eta, azkenik, gizarteak behar dituen aldaketa sozio-ekonomikoak, juridikoak eta instituzionalak eragiten, ERREPIKA-EZINAREN BERMEA ezartzeko.
6. Ildo honetan, Ajangizko Udaletxeak bere laguntza eta atxikimendua ematen dio Argentinako Errepublikan, Buenos Aireseko 1 Epaitegian, 4591/10 Kereilari, zein Maria Servini de Cubria Epaileak daraman genozidioaren eta gizartearen aurkako frankismoaren krimenegatik.



Ajangizko Udala



7. Ajangizko Udaletxeak hiritar orori eskatzen dio Kereila honen alde egin dezan, bai kereilatzaile gisa errepresiorik sufritu duenak, berak edo bere familiakoren batek; edo baita diktaduraren aurka bere salaketa eginaz eta atxikimendu pertsonala sinatuaz.

Mozioa botaziorako aurkeztuta, bertaratutako zinegotziek aho batez onartu dute.

Eta berau ziurtatzen dut, Alkate Presidentearen aginduz eta oneritziarekin, Ajangizen, 2013ko otsailaren leian. Indarreango azaroaren 26ko 30/1992 legearen 27.5 artikulua arautzen duena kontutan hartuta, Osoko Bilkurako akta oraindik onetsi gabe dagoela oharrazten da.

ALKATEAREN ONERITZAREKIN

Mikel Ander Zubizarreta Gonzalez-Rua

BITARTEKO IDAZKARIA



Saioa Pineda Aranburu